



Pranuar / Dorezuar Puniljenë/Pradatu Received/Delivered		07-12-2021		viti god year
Organ /Njësia Org /Jednica Org /Unit	№ Prot № Prot Prot No	Shënim Futurog Appendix	Sasia Kolicina Quantity	
SKP/HJA	5851/2021		1/4	



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.915/2021

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin e ankesave në përbërje nga: Arben Mehmeti-kryetar, Ardita Haxhnikaj-Demi dhe Jeton Koca -anëtarë, si dhe Sabile Avdyli Zyrtare e Lartë për bashkëpunim Profesional-procesmbajtëse, kanë shqyrtuar ankesën me numër protokoll 5365/2021 të datës 09.11.2021 të parashtruar nga ankuesja [] përmes përfaqësuesit ligjor avokatit [] rr" Nëna Terezë" nr.147 Gjakovë , kundër organit të punësimit- Ministria e Administrimit të Pushtetit Lokal, në çështjen juridike "kompensim material", duke vepruar në pajtim me nenin 6 paragrafin 1 nënparagrafin 1.1 dhe nenin 18 paragrafin 1 nënparagrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 07.12.2021, mori këtë:

V E N D I M

REFUZOHET si e pabazuar ankesa me numër A.nr.915/2021 e datës 09.11.2021 e parashtruar nga ankuesja

A r s y e t i m

Ankuesja [] caktuar në pozitën e "Zyrtare e Lartë për Zhvillim dhe Monitorim të Zbatimit të Projekteve" sipas akt emërimit të datës 03.01.2019 me nr.Ref.MPL/130.Sekretari i Përgjithshëm i Ministrisë së Administrimit të Pushtetit Lokal me datën 23.08.2021 i është drejtuar Ministrisë së Punëve të Brendshme dhe Administratës Publike me kërkesën nr.400-744 për miratimin e shtesës në pagë për

Pasi organi i punësimit Ministria e Administrimit të Pushtetit Lokal nuk ka marrë përgjigje nga Ministria e Punëve të Brendshme dhe Administratës Publike lidhur me kërkesën e datës 23.08.2021, ankuesja përmes avokatit me datën 09.11.2021 ka parashtruar ankesë me numër protokoll 5365/2021 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, më datë 10.11.2021, ankesën e ankueses e ka proceduar për përgjigje në ankesë tek Ministria e Administrimit të Pushtetit Lokal . Ministria e Administrimit të Pushtetit Lokal me datë 17.11.2021 ka dërguar në Këshill përgjigjen në ankesë bashkë me shkresat e lëndës faqe 1/68.

Kolegji për shqyrtimin dhe vendosjen e ankesave për marrjen e vendimit meritore ka administruar këto prova: Ankesën e datës 09.11.2021 me numër protokoll 5365/2021 e parashtruar nga ankuesja përmes

avokatit në Këshillin e Pavarur Mbikëqyrës për Shërbimin Civil të Kosovës; Autorizimi i datës 29.09.2021; Vendimi KGJK.nr.152/2021 i datës 28.05.2021 i Këshillit Gjyqësor të Kosovës; Dëftesë për pranimin e dërgesës e datës 03.11.2021; Aprovimi i pozitive dhe shtesave në pagë për kategori të veçanta të profesioneve deficitare; Kërkesë e datës 23.08.2021 për miratimin e shtesës në pagë ; Kërkesë e datës 27.05.2019 për miratimin e shtesës në pagë për Pliko postare e datës 05.11.2021; E-mail zyrtar i datës 17.11.2021; Akt emërimi i datës 03.01.2019 me nr.ref.MAPL/130; Autorizimi i MAP-it i datës 29.10.2018; Vendimi i datës 08.10.2008 me nr.02/39 i Qeverisë së Republikës së Kosovës; Vendimi me nr.07/29 i datës 31.07.2008 i Qeverisë së Republikës së Kosovës; Lista dhe titujt e punonjësve që do të jenë përfshirë të masave stimuluese duke përfshirë edhe shumë për këto pozita; Kopja e Ligjit Nr.03/L-147 për pagat e Nëpunësve Civilë; Kopja e Ligjit Nr.05/L-021 për Mbrojtjen nga Diskriminimi; Përshkrimi i detyrave të punës i datës 09.10.2018; **Diplomë e Fakultetit të Ndërtimtarisë dhe Arkitekturës e datës 18.01.2006 nr.386**; Kërkesë për rekrutim të pozitës Zyrtarë i lartë për Zhvillim dhe Monitorim të zbatimit të Projekteve e datës 09.10.2018; Kërkesë për fillimin e rekrutimit e datës 15.10.2018; Kopja e konkursit e datës 01.11.2018 dhe Përgjigje në ankesë nga organi i punësimit e datës 17.11.2021 bashkë me shkresat e lëndës faqe 1/68.

Kolegji për shqyrtimin e ankesave, për vendosjen e kësaj çështje, pasi ka shqyrtuar të gjitha shkresat e lëndës të parashtruara nga palët, ka konstatuar që ankesa e ankueses *është e pabazuar, sepse:*

Kolegji ka shqyrtuar pretendimet ankimore të ankueses, e cila pretendon që Këshilli duhet ta obligoj Ministrinë e Punëve të Brendshme dhe Administratë Publike në koordinim me Ministrinë e Financave dhe Transfereve që të ndajnë mjete buxhetore dhe të njohin të drejtën e ankueses në kompensim të shtesave në pagë, në lartësi prej 250 Euro shtesë mbi pagën bazë, ky pretendim ankimor është i paqëndrueshëm sepse Kolegji për shqyrtimin dhe vendosjen e ankesave ka konstatuar se ankuesja ka themeluar marrëdhënie pune në Ministrinë e Administrimit të Pushtetit Lokal me datën 03.01.2019 në bazë të provave të lëndës që i posedojmë nga ankuesja dhe nga organi i punësimit asnjëherë ankuesja nuk ka parashtrur ankesë për kompensimin e shtesës në pagë në institucion përveçse me datën 23.08.2021 Sekretari i Ministrisë së Administrimit të Pushtetit Lokal ka bërë kërkesë në Ministrinë e Punëve të Brendshme dhe Administratë Publike për miratimin e shtesës në pagë për znj.

Kolegji për shqyrtimin dhe vendosjen e ankesave, ka analizuar vendimet e Qeverisë së Kosovës Nr. 07/29 të datës 31.07.2008 dhe Nr.02/39 të datës 08.10.2008, dhe ka konstatuar se Qeveria ka miratuar pagesën shtesë në paga për kategori të veçanta të profesioneve deficitare respektivisht listën e pozitive dhe shtesave në paga për Teknologji Informative dhe Inxhiniering, duke autorizuar Ministrinë e Administratës Publike dhe Ministrinë e Financave si institucione përgjegjëse për zbatim të këtyre vendimeve.

Bazuar në provat shtesë të dërguara nga Ministria e Punëve të Brendshme me datën 12.01.2021, Kolegji ka konstatuar se Ministri i Administratës Publike bazuar në Rregulloren Nr. 33/2012 për Shtesat në Pagë dhe Kompensime të Tjera të Nëpunësve Civil, ka themeluar Komisioni për shqyrtimin e shtesave mbi pagën bazë për kushte të tregut të punës për nëpunësit civil, i cili Komision ka qenë funksional deri me datë 26.02.2018, përkatësisht deri me nxjerjen e Vendimit Nr. 10/2018 të Ministrisë së Administratës Publike, me të cilin është anuluar vendimi Nr.34/2016 i datës 15.09.2016 mbi themelimin e këtij Komisioni.

Kolegji për shqyrtimin e ankesave gjatë vlerësimit të ligjshmërisë se pretendimeve ankimore të ankuesit, ka analizuar dispozitat e Ligjit Nr.03/L-147 për Pagat e Nëpunësve Civil, përkatësisht nenin 14 ku

përcaktohet se “Shtesat mbi pagën bazë janë: 1.1. shtesa për punë me ndërrime dhe jashtë orarit të punës; 1.2. shtesa për kushte specifike pune; dhe 1.3. **shtesa për kushtet e tregut**”, dhe nenin 17 ku parashihet se 1. Për pozitat ose llojet e pozitave për të cilat niveli i pagës për personelin e ngjashëm nga organizatat dhe punëdhënësit e tjerë jashtë Shërbimit Civil është shumë më i lartë sesa niveli i pagës që ofrohet nga Shërbimi Civil, e kjo shkakton vështirësi të konsiderueshme në rekrutimin dhe mbajtjen e personelit për ato pozita ose lloje të pozitave nga administrata publike, ministria përgjegjëse për administratë publike, në bashkëpunim me ministrinë përgjegjëse për financa, mund të kërkojë nga Qeveria që të miratojë një shtesë për kushtet e tregut, e cila mund të paguhet për këto pozita ose lloje të pozitave. 2. Kërkesa për miratimin e kësaj shtese nga Qeveria duhet të bazohet në një analizë, e cila tregon se për këto pozita ose lloje të pozitave: 2.1. çmimi i tregut për aftësitë në fjalë është shumë më i lartë se paga që ofrohet nga Shërbimi Civil; 2.2. përpjekjet për rekrutimin e personelit me pagë të Shërbimit Civil kanë dështuar dhe/ose shkalla e dorëheqjeve është e papranueshme; 2.3. pritet se shtesa do të ndikojë në rekrutimin dhe mbajtjen e personelit. 3. Kushtet dhe metoda për llogaritjen e shumës së shtesave mbi pagën bazë për kushtet e tregut përcaktohen me akt nënligjor, të nxjerrë nga Qeveria, pas propozimit të ministrisë përgjegjëse për administratën publike dhe ministrisë përgjegjëse për financa”

Po ashtu Rregullorja Nr. 33/2012 për Shtesat në Pagë dhe Kompensime të Tjera të Nëpunësve Civil, përkatësisht nenin 8 përcakton se: “Në pajtim me paragrafin 1 të këtij neni, për aprovimin e shtesës për kushte të veçanta të tregut, institucioni duhet t’i ofrojë ministrisë përgjegjëse për administratë publike kërkesën që përmban: 2.1 Arsyeshmërinë për pagimin e shtesës për kushte të veçanta të tregut për pozitën përkatëse, së bashku me një analizë, e cila dëshmon vështirësitë të cilat janë hasur nga institucioni gjatë rekrutimit dhe mbajtjes së personit të kualifikuar, duke përfshirë informata mbi nivelin e pagës që paguhet nga organizatat e tjera në tregun e Kosovës për pozita të ngjashme. 2.2 Listën e pozitave përkatëse, gradat dhe numrin e nëpunësve civil për çdo pozitë dhe 2.3 Koston vjetore të vlerësimit financiar të shtesave për kushtet e tregut të punës”.

Meqenëse, Qeveria ende nuk ka një vendim lidhur me kompensimin e pagës shtesë për fushën e IT dhe se Komisioni për shqyrtimin e shtesave mbi pagën bazë për kushte të tregut të punës, nuk është funksional, Andaj mbi këtë bazë Kolegji konstaton se pretendimet ankimore të ankueses janë të pa bazuara.

Kolegji për shqyrtimin e ankesave , pas analizimit dhe vlerësimit të të gjitha shkresave të lëndës dhe provave të ofruara nga palët, si dhe duke u bazuar në kompetencën e Këshillit, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda: A.nr.915/2021, datë 06.12.2021

Sabile AVDYLI

Sabile Avdyli
Zyrtare e Lartë për Bashkëpunim Profesional



Vendimi i dorëzohet:

- Ankueses
- Sekretarit të Përgjithshëm të Ministrisë së Administrimit të Pushtetit Lokal
- Udhëheqësit të Personelit në Ministrisë së Administrimit të Pushtetit Lokal dhe
- Arkivit të KPMSHCK-së.

